

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Trésor - Cod. Karlsruhe 391**

**Latini, Brunetto**

**[S.l.], [14. Jahrh.]**

Ci devise de vertu en .ij. parties

[urn:nbn:de:bsz:31-111711](https://nbn-resolving.org/urn:nbn:de:bsz:31-111711)

Celui qui est noble fist  
celui qui est par nature  
establis a vertus. Jeromes  
dit. Souveraine noblece  
est la clarte des vertus

*La devise de vertu en .ij. ma-  
nieres. oooooooooooooo lb*

**V**ertu est en .ij. ma-  
nieres. Vne contem-  
plative. Et vn autre mo-  
ral si come Aristotes dit.  
Toutes choses desirent au-  
cun bien qui est sa fin. Je  
di que vertu contemplati-  
ue establist l'ome ala sou-  
veraine fin. ce est au bien  
des biens. Mais la moral  
vertu establis le coratge.  
ala vertu contemplative  
Et por ce viant le maistre  
deviser tot avant la vertu  
moral que dela vertu contē-  
plative. por ce que le est au-  
tresi come matiere par cui  
l'ome parvient ala cōtēpla-  
tive. Faison coment. De-  
es a vn maistre qui viant  
avoir vn estrement por  
percer. Car vos sates bi-  
en que il prent matiere

dure. Ce est fer et puis  
li fait pointe por percer.  
Car autrement se lama-  
tiere nen fust dure et il  
neust pointe. il nen por-  
oit auent ala fin. ce est  
au percer. Et tot home  
qui viant aucune chose  
faire doit esliue tot avant  
cele matiere convenable a  
la fin dela entencion. Tot  
autresi doit chascun esli-  
re la vie active qui est a-  
cuse par la vertu moral  
por gouverner soi entre les  
temporeus choses. car plu-  
est ordene et appareille a  
dieu amer et a ensuire la  
deuinite *Ci dit le maistre  
dela vertu moral. lb*

**M**ais les sages sont  
en acorde que ver-  
tu contemplative a .ij. pa-  
rties. Ce sont foi. Esperance  
Et charite. Et que ver-  
tu moral est devisee en  
.iiij. membres. Ce sont  
prudence foi. et charite q  
sont en vertu contēplative  
Et ces .iiij. sont prudence